

corporis aut dissolvitur, aut vehementius impellitur; anima vero læditur quatenus ex occasione læsi corporis in ea excitatur, pro legibus conjunctionis animæ cum corpore, sensatio gravis & molesta, quæ *vulnus* quoddam *animæ* dicitur. Dixi *Esse antecedens*, quia nonnunquam anima in rei alicujus consideratione sic defixa hæret, ut læso corpore nihil doloris sentiat.

Inst. 4. Non defunt Philosophi, & quidem primi nominis, qui materiæ Elementa simplicissima omnino esse, invisibilia & inextensa pro certo affirmant, idque multis conantur demonstrare argumentis. Ergo in hac hypothese, quæ non solum non repugnat, sed firmissimis sese tuetur rationibus, statim Philosophis eripiuntur præcipua argumenta, quæ ab extensione & partium compositione deduci solent; ac proinde absurdum non est operationes animæ esse modificationes materiæ . . . . Resp. C. A. N. Conf. Quidquid sit de illa hypothese, quam strenue propugnant doctissimi quidem Philosophi non pauci, firmissima tamen manent argumenta hætenus explicata. Et certe cum materia ex elementis sive extensis sive inextensis composita sit, ut omnes Philosophi concedunt, totam vim servant argumenta, quæ ex materiæ compositione deducuntur; hac enim ratione argumentari licet. Vel cogitarent singula inextensa materiæ elementa, vel non: utrumque autem absurdum esse ex conclusionis probatione facile colligitur. Ergo necesse est, ut præter simplicissima mate-  
ria